

Na osnovu člana 16. stav 4 Zakona o Vladi Zeničko-dobojskog kantona-Prečišćeni tekst ("Službene novine Zeničko-dobojskog kantona", broj: 7/10 i 3/23), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 86. sjednici, održanoj dana 20.06.2025. godine, d o n o s i :

ZAKLJUČAK

I.

Prihvata se Informacija Ministarstva za obrazovanje, nauku, kulturu i sport u Vladi Zeničko-dobojskog kantona, broj: 10-34-317-23/25 od 19.06.2025. godine, koja čini sastavni dio ovog zaključka.

II.

Zaključak stupa na snagu danom donošenja.

Broj: 02-_____/25

Datum, 20.06.2025. godine

Zenica

PREMIJER

Nezir Pivić

DOSTAVLJENO:

1x Ministarstvo za obrazovanje, nauku, kulturu i sport,

1x JU Univerzitet u Zenici, putem Ministarstva,

1x Stručna služba Skupštine,

1x a/a.



Broj: 10-34-317-23/25
Zenica, 19.06.2025. godine

ZENIČKO-DOBOJSKI KANTON
URED PREMIJERA ZENIČKO-DOBOJSKOG KANTONA
N/R PREMIJERA ZENIČKO-DOBOJSKOG KANTONA
STRUČNA SLUŽBA VLADE ZENIČKO-DOBOJSKOG KANTONA
N/R SEKRETARA

PREDMET: *Informacija - dostavlja se*

Upravni odbor Univerziteta u Zenici je ovom organu kantonalne uprave dostavio Odluku kojom se razrješava dužnosti prof. dr. Jusuf Duraković, rektor JU Univerzitet u Zenici, prije isteka perioda na koji je izabran, broj: 01-01-3-2786/25 od 02.06.2025. godine, u kojoj je u članu 1. navedeno da: „Upravni odbor JU Univerziteta u Zenici, zaključno sa 02.06.2025. godine, razrješava dužnosti rektora JU Univerziteta u Zenici, prof. dr. Jusufa Duraković, prije isteka na koji je izabran Odlukom Senata JU Univerzitet u Zenici, broj: 01-02-3-900/21 od 05.03.2021. godine“, a članu 3. predmetne odluke je navedeno da je: „Odluka konačna i stupa na snagu danom donošenja“.

Na 06. vanrednoj sjednici Senata Univerziteta u Zenici, koja je održana dana 03.06.2025. godine Senat Univerziteta u Zenici, protivno Zakonu donio je Odluku o poništenju odluke Upravnog odbora Univerziteta u Zenici, broj: 01-01-3-2786/25 od 02.06.2025. godine i potvrdi mandata Rektora, broj: 01-02-5-2806/25. od 03.06.2025. godine, koju je donio Senat Univerziteta u Zenici.

Imajući u vidu da iz člana 56. stav (1) Zakona o visokom obrazovanju („Službene novine Zeničko-dobojskog kantona“, broj: 12/22, 15/24 autentično tumačenje i 5/25), kojim su propisane nadležnosti senata, proizilazi da se iste prevashodno odnose na odlučivanje o svim akademskim pitanjima, a posebno o pitanjima nastavne, naučne, umjetničke i stručne djelatnosti visokoškolske ustanove, te da da senat nije nadležan za poništavanje odluka upravnog odbora koje je upravni odbor donio u skladu sa svojim nadležnostima, te da je takva odluka slijedom navedenog protivna zakonu, Ministarstvo za obrazovanje nauku, kulturu i sport je temeljem članova 145. i 63. stav (2) Zakona o visokom obrazovanju („Službene novine Zeničko-dobojskog kantona“, broj: 12/22, 15/24 - autentično tumačenje i 5/25) i člana 28. Zakona o organizaciji organa uprave u Federaciji Bosne i Hercegovine („Službene novine Federacije BiH“, broj: 35/05) donio Rješenje o poništenju Odluke o poništenju odluke Upravnog odbora Univerziteta u Zenici, broj: 01-01-3-2786/25 od 02.06.2025. godine i potvrdi mandata Rektora, broj: 10-34-318-33/25 od 09.06.2025. godine.

Zakon o visokom obrazovanju u članu 62. stav (5) Zakon o visokom obrazovanju predvidio je dalje postupanje u ovoj situaciji odnosno da je u: „U slučaju prijevremenog razrješavanja rektora univerziteta ili direktora visoke škole, senat obavezan u roku od dva dana od dana prijevremenog razrješavanja rektora univerziteta ili direktora visoke škole imenovati vršioca dužnosti rektora ili direktora visoke škole.“.

Senat Univerziteta u Zenici nije postupio po navedenoj zakonskoj obavezi, što također proizilazi iz člana 2. Zaključka Upravnog odbora Univerziteta u Zenici, broj: 01-01-3-2859/25 od 11.06.2025. godine, gdje je navedeno da: „Senat JU Univerzitet u Zenici, u ostavljenom roku od 2 (dva) dana, koliko je propisano članom 62. stav (5) Zakona o visokom obrazovanju („Službene novine Zeničko-dobojskog kantona“, broj: 12/22, 15/24 - autentično tumačenje i 5/25) nije imenovao vršioca dužnosti rektora JU

Univerzitet u Zenici, do okončanja konkursne procedure izbora rektora JU Univerzitet u Zenici“, dok je u članu 3. navedeno da: „Zbog propuštanja Senata JU Univerzitet u Zenici, da u skladu sa članom 62. stav (5) Zakona o visokom obrazovanju („Službene novine Zeničko-dobojskog kantona“, broj: 12/22, 15/24 - autentično tumačenje i 5/25), imenuje vršioca dužnosti rektora JU Univerzitet u Zenici, stav Upravnog odbora je, da zaključno 02.06.2025. godine, JU Univerziteta u Zenici, nema imenovanog ili izabranog rukovodnog organa, odnosno nema rektora koji može u pravnom prometu zastupati JU Univerzitet u Zenici. “

Članovi Senata JU Univerzitet u Zenici, protivno članu 62. stav (5) Zakona o visokom obrazovanju („Službene novine Zeničko-dobojskog kantona“, broj: 12/22, 15/24 - autentično tumačenje i 5/25), nakon što je Upravni odbor JU Univerzitet u Zenici, razriješio dužnosti rektora JU Univerzitet u Zenici, prof. dr. Jusufa Duraković, prije isteka perioda na koji je izabran, nisu imenovali vršioca dužnosti rektora kako bi JU Univerzitet u Zenici mogla nesmetano u skladu sa Zakonom vršiti svoju funkciju.

Nakon propuštanja imenovanja vršioca dužnosti rektora JU Univerzitet u Zenici, ovo Ministarstvo i Ministarstvo finansija zaprimilo je niz akata potpisanih od strane prof. dr. Jusufa Durakovića, iako je isti Odlukom Upravnog odbora broj: 01-01-3-2786/25 od 02.06.2025. godine, zaključno sa 02.06.2025. godine, razriješen dužnosti rektora JU Univerzitet u Zenici. Zbog navedenog, ovo Ministarstvo i Ministarstvo finansija ne mogu postupati po ovakvim dokumentima potpisanim od 03.06.2025. godine, pa nadalje, jer bi isti mogli proizvesti negativno pravno dejstvo i nastanak štete.

Ministarstvo smatra, da se sva dokumentacija JU Univerzitet u Zenici, dostavljena ovom Ministarstvu i Ministarstvu finansija, datirana od 03.06. 2025. godine, pa nadalje, a koja je potpisana od strane osobe koja je Odlukom Upravnog odbora broj: 01-01-3-2786/25 od 02.06.2025. godine, razriješena dužnosti rektora, treba vratiti JU Univerzitet u Zenici, na uređenje na način da ista bude potpisana od strane vršioca dužnosti rektora.

Poziva se Senat JU Univerzitet u Zenici, da bez odlaganja postupi po članu 62. stav (5) Zakona o visokom obrazovanju („Službene novine Zeničko-dobojskog kantona“, broj: 12/22, 15/24 - autentično tumačenje i 5/25).

Zbog nastale situacije u cilju omogućavanja zakonitog rada JU Univerzitet u Zenici, pozivamo Vladu da ukoliko prihvati ovu informaciju, istu proslijedi nadležnom tužilaštvu.

Imajući u vidu da je članom 1. stav 1 Zakon o Javnoj ustanovi Univerzitet u Zenici – Prečišćeni tekst („Službene novine Zeničko-dobojskog kantona“, broj: 1/18, 10/18 i 13/21) propisano da: „Ovim zakonom Skupština Zeničko-dobojskog kantona (u daljem tekstu: Skupština Kantona) osniva Javnu ustanovu Univerzitet u Zenici (u daljem tekstu: Univerzitet) i uređuju se međusobna prava i obaveze osnivača i Univerziteta.“, dok je stavom 2 istog člana propisano da: „Prava i obaveze osnivača, koja se odnose na osnivanje Univerziteta, statusne promjene i usvajanje izvještaja o radu Univerziteta vrši Skupština Kantona, a ostala prava i obaveze osnivača vrši Vlada Zeničko-dobojskog kantona (u daljem tekstu: Vlada Kantona) u ime Skupštine Kantona u skladu sa ovim zakonom“, ovim putem upućujemo predmetnu informaciju prema Vladi Zeničko-dobojskog kantona.

DOSTAVLJENO:

1x Naslovu,
1x a/a, (04).

MINISTAR

Mirza Mušija



Bosna i Hercegovina, Zenica, Kučukovići br. 2

Tel: 032/460-840, fax: 460-842

e-mail min.obrazovanje@zdk.ba